

1.0 Uvod

Tema diplomskog rada je rehabilitacija osoba sa amputacijama potkoljenice. Amputacije predstavljaju odstranjenje dijela ekstremiteta ili ekstremiteta u cjelini. Cilj ovog diplomskog rada jeste ukazati na razloge koji dovode do amputacija općenito, kako bi se moglo preventivno djelovati na njih. Pored toga, cilj je i prikazati rehabilitacioni program vježbi, koji se koristi kod ovakvih pacijenata. Također, ovaj rad, može poslužiti i pacijentima kod kojih će se amputacija izvesti, ili je već učinjena, u smislu edukacije o rehabilitaciji, ili uzrocima amputacije. Pored ovoga rad ukazuje i na probleme, sa kojima se pacijenti nakon amputacije susreću, a koji su uz malo volje premostivi i rješivi. U rehabilitaciji pacijenata sa amputacijama, pored njih samih i zdravstvenih radnika, sudjeluju i članovi njihovih porodica. Tako da rehabilitacioni program opisan u ovom radu može poslužiti i u smislu edukacije članova porodice pacijenta, jer na takav način poboljšava se krajnji rezultat rehabilitacije, a samim tim članovi porodice su od velike pomoći u smislu podrške pacijentu.